

Հարց

Անհապ ձեռնարկատեր չհանդիսացող ֆիզիկական անձը կարո՞ղ է, արդյո՞ք, գրադվել մեքադադրամով շահագործվող ավտոմատների միջոցով խաղերի կազմակերպման գործունեությամբ որպես արտոնագրային վճար վճարող:

Պատասխան

«Արտոնագրային վճարների մասին» ԼՂՀ օրենքի հավելված 2-ի համաձայն՝ մեքադադրամով շահագործվող ավտոմատների միջոցով խաղերի կազմակերպման գործունեություն իրականացնող անձը կարող է հարկվել արտոնագրային վճարների հարկման ռեժիմով միայն անհատ ձեռնարկատեր գրանցված լինելու և օրենքի 4-րդ հոդվածի պահանջները բավարարելու դեպքում:

Հարց

Անհապ ձեռնարկատեր չհանդիսացող արտոնագրային վճար վճարողի կողմից կազմակերպությանը ծառայություններ մատուցելու դեպքում, վերջինիս կողմից պահվու՞մ է, արդյո՞ք, եկամտային հարկ:

Պատասխան

«Արտոնագրային վճարների մասին» ԼՂՀ օրենքի 7-րդ հոդվածի 4-րդ կետի համաձայն՝ անհատ ձեռնարկատեր չհանդիսացող արտոնագրային վճար վճարողների կողմից կազմակերպություններին, արտոնագրային վճար վճարող չհանդիսացող անհատ ձեռնարկատերերին ծառայություններ մատուցելու դեպքում վերջիններս, որպես հարկային գործակալ, եկամտի վճարման աղբյուրի մոտ եկամտային հարկը պահում (գանձում) են «Եկամտային հարկի մասին» ԼՂՀ օրենքով սահմանված ընդհանուր կարգով:

Հարց

Ավտոլվացման գործունեությունը ենթակա է, արդյո՞ք, հարկման արտոնագրային վճարների համակարգով:

Պատասխան

Ավտոտեխսպասարկման կայանների (կետերի) միջոցով ավտոտրանսպորտային միջոցների տեխնիկական սպասարկումը դասակարգվում է ԼՂՀ ֆինանսների և էկոնոմիկայի նախարարի 12.02.2013թ. N 20-Ն հրամանով հաստատված՝ Արտադրանքի դասակարգում ըստ գործունեության տեսակների (ԱԴԳՏ) Լեռնային Ղարաբաղի Հանրապետության դասակարգչի 45.20 ծածկագրին: Այդ ծածկագիրն իր մեջ ներառում է ավտոմեքենաների մեխանիկական և էլեկտրական սարքավորանքի, թափքի, ներարկման համակարգի, շարժիչի տեխնիկական սպասարկումը և նորոգումը, ավտոմեքենաների լվացումը, փայլեցումը և այլն: Ըստ այդմ, «Արտոնագրային վճարների մասին» ԼՂՀ օրենքի 4-րդ հոդվածի պահանջները բավարարելու դեպքում ավտոլվացման գործունեությունը կհարկվի արտոնագրային վճարների հարկման համակարգով:

Հարց

Կարո՞ղ է, արդյոք, արտոնագրային վճար վճարող անձը ունենալ վարձու աշխատող:

Պատասխան

«Արտոնագրային վճարների մասին» ԼՂՀ օրենքի 4-րդ հոդվածի 3-րդ մասի համաձայն՝ նշված օրենքով սահմանված գործունեության տեսակներ իրականացնող վճարողները չեն կարող ունենալ վարձու աշխատողներ (իրենց գործունեության իրականացման համար օգտագործել անհատ ձեռնարկատեր չհանդիսացող այլ ֆիզիկական անձանց աշխատանքը):

Հարց

Ֆիզիկական անձը կարո՞ղ է համարվել արտոնագրային վճար վճարող, եթե նրա նախորդ տարվա իրացման շրջանառության ընդհանուր գումարը կազմել է 10.0 մլն դրամ:

Պատասխան

Ոչ, քանի որ «Արտոնագրային վճարների մասին» ԼՂՀ օրենքի 4-րդ հոդվածի 2-րդ մասի համաձայն՝ արտոնագրային վճար վճարող կարող են համարվել այն ֆիզիկական անձինք, որոնց կողմից նախորդ տարվա ընթացքում և (կամ) ընթացիկ տարվա որևէ պահին գործունեության բոլոր տեսակների մասով մատակարարված ապրանքների, մատուցված ծառայությունների և կատարված աշխատանքների (բացառությամբ՝ որպես վարձու աշխատող կատարած աշխատանքների), ինչպես նաև վարձավճարների իրացման շրջանառության ընդհանուր գումարը (առանց ավելացված արժեքի հարկի) չի գերազանցել 7.2 մլն դրամը:

Հարց

Թեթև մարդափար ավտոմեքենայով ուղևորափոխադրումներ իրականացնող անհատ ձեռնարկատերը կարո՞ղ է համարվել արտոնագրային վճար վճարող, եթե նա օգտագործում է նաև անհատ ձեռնարկատեր չհանդիսացող այլ ֆիզիկական անձանց աշխատանքը:

Պատասխան

Ոչ, քանի որ «Արտոնագրային վճարների մասին» ԼՂՀ օրենքի 4-րդ հոդվածի 3-րդ մասի համաձայն՝ արտոնագրային վճար վճարողներ չեն կարող համարվել այն ֆիզիկական անձինք, որոնք իրենց գործունեության իրականացման համար օգտագործում են անհատ ձեռնարկատեր չհանդիսացող այլ ֆիզիկական անձանց աշխատանքը:

Հարց

Արտոնագրային վճար վճարող ֆիզիկական անձինք և անհատ ձեռնարկատերերը հարկային մարմին ե՞րբ են ներկայացնում արտոնագրային վճար վճարող համարվելու համար հայտարարությունը:

Պատասխան

Արտոնագրային վճար վճարող համարվելու պայմանները բավարարող ֆիզիկական անձինք և անհատ ձեռնարկատերերը տվյալ տարվա որևէ ժամանակահատվածում (եռամսյակ, կիսամյակ, ինն ամիս, տարի) արտոնագրային վճար վճարող համարվելու համար իրենց հաշվառման (բնակության, գործունեության իրականացման) հարկային մարմին են ներկայացնում դիմում-հայտարարություն՝ մինչև գործունեություն իրականացնելը, իսկ գործունեության տվյալ տեսակի համար համապատասխան արտոնագիր ունեցող ֆիզիկական անձինք և անհատ ձեռնարկատերերը՝ մինչև նախկին արտոնագրով նախատեսված ժամանակահատվածից հետո գործունեության տվյալ տեսակը շարունակելը:

Հարց

Անհատ ձեռնարկատեր չհանդիսացող արտոնագրային վճար վճարողների կողմից կազմակերպություններին ծառայություններ մատուցելու դեպքում, վերջիններիս կողմից պահվում է արդյոք եկամտային հարկ:

Պատասխան

Անհատ ձեռնարկատեր չհանդիսացող արտոնագրային վճար վճարողների կողմից կազմակերպություններին, արտոնագրային վճար վճարող չհանդիսացող անհատ ձեռնարկատերերին ծառայություններ մատուցելու դեպքում վերջիններս, որպես հարկային գործակալ, եկամտի վճարման աղբյուրի մոտ եկամտային հարկը պահում (գանձում) են «Եկամտային հարկի մասին» Լեռնային Ղարաբաղի Հանրապետության օրենքով սահմանված ընդհանուր կարգով:

Հարց

Արտոնագրային վճար վճարողները կրում են, արդյոք, հարկային մարմին հաշվարկ-հաշվեքվությունների ներկայացման պարտավորություն:

Պատասխան

Արտոնագրային վճար վճարողները հարկային մարմին օրենսդրությամբ սահմանված հաշվետվություններ (հաշվարկներ, հայտարարագրեր, տեղեկություններ) չեն ներկայացնում:

Հարց

Ի՞նչ պարասխանավորություն է սահմանված արտոնագրային վճար վճարողների կողմից արտոնագրային վճար վճարող համարվելու համար հարկային մարմին ներկայացված դիմում-հայտարարությունում ոչ ճիշտ տեղեկություններ ներառելու համար:

Պատասխան

Արտոնագրային վճար վճարողի կողմից հարկային մարմին արտոնագրային վճար վճարող համարվելու համար ներկայացված դիմում-հայտարարությունում ոչ ճիշտ տեղեկություններ ներառելու դեպքում վճարվում է տուգանք՝ 50 հազար դրամի չափով: